

ճառ դրամ պահանջելոյ աստի ի նմանէ, բայց արար-
մունք նորին չատ էր: Եւ լուեալ վէզիրն ի խոր խո-
ցեցաւ, բայց խնդայր ընդ այն զի այս մի բանս ի
վալիտէն եղեւ բանիւն արքայի: Եւ զՊուղտանայ
ծեր պարոնն Կիզա առաքեաց յՈւլահ լինել պարոն,
եւ ի Պուղտան եդ պարոն զորդի Վասլին, որ կայր
Վասիլ յԵօթնապուրճ քաղաքիս իբր զգրաւ: Բայց յա-
ռաջ քան զառաքելն զվերջին պարոնս՝ առաքեաց
զխանն Թաթարի յՈւլահ, զի բազում աւերս աւարս
արար հանդերձ գերութեամբ, վրէժխնդիր արարմանց
ձիւանին: Վասն որոյ եւ վէզիրն սպան զՂատիր փա-
շան, որ իւր ճրագ էր եւ զափուճութենէ յառաջ բե-
րեալ, պատճառելով զկռիւն Ուլահոյ: Եւ յորժամ
գնաց ձիւանն ի Մաճար, միաբանեցան և առաքեցին
արս ի պարոնն Պուղտանայ, որ մինչչեւ էր գնացեալ
նա յՈւլահ՝ թէ Եւ ընդ մեզ միաբան լե՛ր զի կոտո-
րեցուք նախ զԹաթարս և մտցուք յերկիրս Տաճկաց:
Եւ ելանեն ի տեղւոջէ իւրեանց, գան մերձ ի Պուղ-
տանն եւ ծեր պարոնն արձակէ պատգամ թէ Կամք
իմ չէ այդմ հաւան, վասն որոյ եւ նոքա զերկիր
Պուղտանին աւիրեն. մինչեւ իմացեալ Թաթարին հա-
սանի Գիթ ոգով անդ եւ երեւի թապուրիցն եւ զառ-
նայ յետ. եւ քրիստոնեայքն մտանեն զհետ Թաթա-
րին, մինչև անցեալ զլեռ մի, և երեք բերան եղեալ
Թաթարին՝ առնուն ի մէջ զնոսա եւ սակաւ պակաս
քան զԾիւ արսն անդէն կոտորեն: Եւ պարոնայքն
փախեալ հազիւ՝ թողեալ զկառս եւ զվրանս լի ոս-
կով. եւ դարձան անդէն Թաթարքն լի աւարաւ, սա-
կաւ մեռեալ ի սոցունց: Այս ամենայն լինէր մինչ
յելս աշնային եղանակացն, որ մերձ ի ձմեռս: